

Hist

6371

Hist: 6. 371

istoria Helvetiae

6371

ISTORIA II

Abhandlung

Georg und Lorenz von St. Gallen  
mit den fünf Orten, Lützel,  
Ung. etc. am Rhein und  
Luzern 1656 zu Luzern ver-  
öffentlicht sind und Protopro-  
kurator.

1656.

~~xxxxxx. 6. 371~~





Abdruck

Deren zwischen denen löblichen Stätten der  
Eydgenosschafft/

Zürch vnd Bern an einem:  
vnd den Löblichen Fünff Orten / Lucern / Vry/  
Schweiz / Vnderwalden vnd Zug / ic. am andern: den 26. Febr.  
Alten / vnd 7. Martij Newen Calenders / im Jahr 1656. zu  
Baden erhandelter

Fried- vnd Vertrags- Puncten.



Anno M. DC. LVI.





Im Nahmen der Allerheyligsten/ Vnzertheilten  
Dreyeinigkeit / Gottes des Vatters/  
Sohns vnd Heyligen Geistes / Amen.



Wissen kundt vnd offenbar sey  
männiglichen hiemit / als dann zwis-  
schen den löblichen Stätten Zürich vnd  
Bern an einem : Vnd dann den fünff  
löblichen Orten der Eydgenosschafft/  
Lucern / Bry / Schweiz/ Vnderwal-  
den / ob: vnd vnder dem Kernwaldt vnd  
Zug mit dem Obren Amte/ am andern  
Theyl/ sich etwas Zeitirrung vnd Miß-  
verstand sich erhaben / so endlichen zu  
einem offenbahren Bruch vnd thätli-  
chen Kriegesübung außgeschlagen / das

durch sich viel Vnrecht mit Blutvergießen / Raub / Brandt / Land: vnd  
Leuth verderben/ erwachsen vnd entstanden/ vnd aber auff eyfferig Wohlmei-  
nendt / Einschlag: vnd Vermittelung der löblichen Stätten/ Basel/ Frey-  
burg / Solothurn vnd Schaffhausen / durch Ihre an beyde Theil abgefer-  
tigte Erbare Vottschaften die Sach mit vieler Mühe vnd Arbeit zu einem  
Stillstand der Waffen vnd gemeinen 13. Orthscher Zusammenkunft in  
der Statt Baden im Ergäu auff den dritten vnd dreyzehenden Februarij  
dis lauffenden 1656. Jahrs gebracht vnd veranlaßet worden / eingefunden/  
Daf hierüber beyde Theil / obermachten Herren Ehren-Gesandten der löbl.  
Stätten vnd Orten / Basel / Freyburg/ Solothurn/ Schaffhausen vnd  
Appenz



Appenzell, in der Sachen freundlich vnd gütlich zu handeln anvertraut / dieselben auch sich dessen in Treuen vnd mit sonderm Fleiß / Eysser vnd Aufrichtigkeit / unterwunden vnd angenommen / vnd darauff durch sonderbare Gnad vnd Beystand des Allerhöchsten / angedeutete Zwitteracht penn vnd Irzungen zwischen beyden Partheyen folgender Weis vnd Gestalt en hingestlegt / gericht vnd vertragen haben.

Erstlichen sollen alle Behd / Krieg vnd Feind: hättlichkeiten von nun an in löblicher Eydgengenosschafft / gänzlich vnd allerdinge cess:ren vnd auffhören / vnd an deren statt ein ewiger / recht auffrichtiger / Ehr: licher vnd beständiger Frieden / vnd Brüderliche Freundschaft / Liebe vnd Vertraulichkeit / nach laut der geschwornen Puncten vnd der Exempel vnserer Frommen Acht forderern sein vnd verbleiben / zu solchem heylsamen vnd erwünschten Zweck vnd End / auch alles was sich in wehrendem Krieg von den Partheyen selbst / ihren Helffern / vnd allen denen / so sich der Sachen in einiger Weise oder Weg / inn: oder ausser der Eydgengenosschafft angenommen vnd theilhaft gemacht / ohne Vnterscheid vnd Vorbehalt / tod / ab / verziehen vnd vergessen seyn / vnd ohnangesehen beyderseits Ort dafür gehalten / ob hätten etliche Vnderthanen sich in diesem Vnwesen zu weit vergangen / vnd dadurch einer Straff vnderwürffig gemacht / so haben doch beyde Theil auff *Interposition* der löbl. Schieds: Orien / vnd denen zu sonderen Ehren vnd Gefallen / hiers mit männiglichem ein *General Amnistiam* vnnnd *perdon* aller vergangenen ertheilt / dergestalten / daß ein vnd ander Seite / wegen erzeugter Vnghehorsam / verwaigeter Hülff vnd Zuzugs / vnderlassenen Gegenwehr / oder anderer dergleichen Vrsachen vnd Zulagen / weder Vbrigkeiten noch Vnderthanen / Geist: noch Weltlichen / sonderbaren Personen noch ganzen Gemeinden / hie diß oder jenseit Gebürge / von niemanden / wer der seye / vnd vnter was Schein es immer geschehen möchte / nichts weiters zugesucht / nach dessen / was sich mit Worten / Wercken oder Schrifftten / sich verlossen vnd zugetragen / in argem mehr einiger Weise gedacht / vnd dessentwegen alle vngütige Verweiß / Schmis: vnd Schmahwort / schänden vnd lästern / sonderlich in Religions: Sachen / ( als woraus bißhero viel Vnrath / Haß vnd Verbitterung entstanden / vnd da es nicht abgeschafft / noch ferners entstehen möchte ) aller vnd jeden / hohen vnd nidern Stands: Personen auff ein: vnd andern Seiten /



ernst vnd strenglich verbotten seyn / vnd die Verbrechere ohne Ansehen der Personen / laut Landfriedens / nach gestaltsame des begangenen Fehlers / vnnachlaßig gestrafft werden sollen.

Zum Anderen / mögen beyden Theil Ihre Kriegs-Costen gegeneinander fordern / vnnnd derowegen vermittelst der ernambten Herren vnpartheyischer Seiten / Güt- oder Rechtlicher Handlung pflegen / würde sich auch jemand/er seye Geist oder Weltlich/ so bey diesem Kriegs-Wesen nicht interessirt, noch entweder einer Parthey anhängig gewesen / erklagen / daß ihm das seinige wieder Kriegs-Gebrauch / auch Recht vnd Billigkeit gewaltthätig were entfrembdet / oder er in andere Wege an den seinen were beschädiget worden / solle die Sach / wie auch das so in wehrendem Stillstand/einem oder dem andern Theil/ entföhret / zum vnpartheyischen Recht gleichfalls gewiesen/vbriges alles aber durch die *Amnistiam* bedeckt/todt vnd ab seyn.

Drittens / sollen zu wärcklicher Vollziehung des Friedens die Völcker ein- vnd anderseits ohne Verzug abgeföhret/gevortaubet/vnd die in wehrender Vnruth auffgeworfene Schancken vnnnd andere neue *Fortifications*-Werck wider geschliffen / alle eingenommene Plätze vnd Derter von aller Besatzung erledigt vnd restituirt, das Thurgaw vnd dessen Regierung in alten Standt gesetzt / beyderseits Gefangene gegen Bezahlung billichmässiger Akung ohne Ranzion vnd Entgelt auff freyen Fuß gestellt / der *modus* aber wie die Schancken vnd angedeutete *Fortifications*-Werck ein vnd ander Orts geschliffen / die Derter *evacuirt*, auch an allen Orten der Ansfang gemacht werden solle/den vnpartheyischen Drtzen / (welche jemanden darzu verordnen mögen)heymgestellt/herneben der Freye/Feyle/Kauff/Handel vnd Wandel / aller Orten vnd Enden wiederumb geöffnet/vnd den *Commerciens* vnd Krämerschaften der Lauff wie von altershero / vnd vor dieser Vnruth gelassen werden.

Vnd dieweil Viertens des Eydgenössischen Rechtens halb / vnd wie selbiges von einem vnd dem andern Drth bestanden werden solle / nicht wenig Irrung vnd Mißverstands vndergeloffen / als seynd die Sachen dahin erläutert vnd verglichen / daß hinfort die Drth der Eydgenössische ins gesampt / vnd derselben insonderheit in seinen eygenen Landen vnd Gebietzen/



biethen bey seiner Religion vnd Souueraineté oder hoher Landes vnd Gebie-  
 then Ober- vnd Herrlichkeit vnd *Indicatur*, vnangefochten / ruhig inturbirt  
 verbleiben / da aber auffser solchen ein oder mehr Orthen an das andere / es  
 were vmb Herrschafften / Viehweyde / Fischangen / Allimenten / Zöll /  
 Geleit / Gericht / Frattel / Burßen / Fürstrecht / Hagen / Jagen / vnd denen  
 gleichen Streitigkeiten zu Wasser oder Land heften / oder gewinnen / sol-  
 len dieselbigen / da sich die Partheyen in der Güte nicht selbst vergleichen  
 können / dem vnpartheyischen Rechten zur gleichen Seiten ( die entwe-  
 ders auß ihnen der Interessirten Orthen selbst / oder da sie deßhalbenn nicht  
 deß einig werden könnten / von den vnpartheyischen Orthen genommen  
 werden ) ohne Mittel vnterworffen seyn / vnd dadurch schleunig erörtert  
 vnd außgetragen werden / in den gemeinen Herrschafften aber / darauff  
 sich der Landt-Frieden erstreckt / jeder bey der freyen Übung seiner Religion  
 vnd was dem nothwendig anhangt / laut Landt-Friedens / vnd in Anno  
 1632. auffgerichtten Vertrags / vnangefochten gelassen / vud da in sel-  
 biger Herrschafften Streit vnd Mißhell vnter den regierenden Orthen vors-  
 fallen / vnd der eine Theil vermeinen thät / daß solche vermög angeregten  
 Vertrags von Anno 1637. durch gleiche Sätze zu entschieden wären / der  
 ander Theil aber dessen nicht gestehen wolte / so solle man deßwegen nichts  
 Vnguts wider einander fürnehmen / sondern den Zweifel oder die Frag /  
 ob es zum Rechten gehör oder nicht / durch vnpartheyische Sätz vordes-  
 rist entschieden lassen / vnd da die Sachen zum Rechten erkant würden / es  
 dann ohne Mittel dabey verbleiben / vnd solche nach Anleytung der Pun-  
 cten vnd Landt-Friedens Authentischer Verträgen vnd Abschieden / auch  
 nach Recht vnd Billigkeit entschieden vnd außgetragen / Inmittelft aber  
 vnd biß zum Auftrag Rechtens / alle *Executiones* vnd Thätigkeiten ein-  
 vnd andern Seits / vmb die ins Recht gesetzte Sachen eingestellt werden;  
 Gestalten dann dißmal zu Erledigung der vorschwebenden Streitigkeiten /  
 von der Löblichen Orthen Zürich vnnnd Bern / Herz Johann Rudolph  
 Wettstein Burgermeister Löblicher Statt Basel / vnnnd Herz Johann  
 Jacob Ziegler / Burgermeister zu Schaffhausen / vnnnd weilenn er Herz  
 Ziegler sich hohen Alters vnd anderer Vrsachen halber entschuldiget / an  
 A iij seine



seine statt Herrn Johann Recksteiner / Landherren des vnsern Stadsens  
 Appenzell : von Seiten der fünff löblichen Orten aber / Her: Simon  
 Petermann Meyer / Burgermeister / oder Herr Franz Peter Gottes-  
 nau / Herr zu Wilenz / beyde des Raths löblicher Statt Freyburg /  
 auß welchen beyden ein löblicher *Magistrat* allda entwedern zu erwöhlen  
 gebetten werden solle / vnnnd dann Herr Franz Haffner / Stattschreiber  
 des geheimen vnd Kriegs Raths löblicher Statt Solothurn / zu Säken  
 vnnnd Schieds Richter : So dann Herr Hans Rudolff Burchhardt  
 Rathschreiber zu Basel / vnd Herr Christoph Monat / Epitalherr zu  
 Freyburg / zu vnpartheyischen Schreibern erannt worden seynd / denen  
 bryde Theil ihre Klag vnd Beschwerds Puncten fürderlichst einlieffern/  
 vnd da etwas Zweiffels / ob ein oder die ander Sach zum Rechten gehö-  
 rig / vorfielen / solcher von ihnen Säken vorderist *decidire* , vnnnd als  
 dann die Puncten / so zum Recht erkandt / ehst möglich / auch für die  
 Handt genommen / vnd zum Auftrag befördert werden sollen / vnd damit  
 ein vnd ander Theil versichert seye / daß hierinnen kein anführlicher Ver-  
 zug oder Aufflucht vnnnd Vmbtriebschafft haben möchte / so haben die  
 Fünff löbliche Schieds Orth / Krafft der Puncten / heiter verspro-  
 chen vnnnd versichert / da ein oder der ander Theil diesem nicht statt thun/  
 oder sonsten den andern gefährlich im Rechten vmbtreiben / oder solches  
 in der Länge auffzuziehen begehren würde / daß alsdann sie sämplich oh-  
 ne Vnderscheid vnd vngehindert der Religion dem klagenden Theil / zum  
 Rechten vnd dessen *Execution* nach ihrem Vermögen vnd Kräfften verhält-  
 lich seyn wollen.

Vntern vnd Fünfftens / den Freyen Zug / da ein oder des andern  
 Orts angehörige Burger / Landleuth oder Vnderthanen / auß dem Lande  
 zu ziehen / vnd sich in eines andern Orths / so sonderlich einer andern Reli-  
 gion zugethan / Gebieth niderzulassen vermeint betreffe / solt jedweders Orth  
 bey seiner Gewonheit vnd Herkommen verbleiben / vnd den Obrigkeiten / so  
 keine sonderbare Vergleich / *Pacta* oder Burgrecht deswegen gegeneinander  
 haben / frey stehen / in den Fürfallenheiten nach *discretion* vnd Belieben zu  
 thun vnd zuverfahren.

Vnd dieweil endlich dieser Fried in oberleuterten Puncten vnnnd Artis-  
 culn



uln von den Partheyen allerseits auff *Interposuion*, der ohn Interessirten  
 Schied: Orthen allein auß Lieb vnd Begierd / zu Ruh vnd Wolstand des  
 Berthen Vatterlandts / also eingangen vnd beschlossen worden / also ist  
 uch abgeredt vnd heitter versehen / daß solche im vbrigen keinem Orth der  
 Eydenossenschaft an seiner Religion / Frey vnd Hochheit / Rechten vnnnd  
 Berechtigkeiten / *Indicatur*, geschwornen Puncten / Landts Frieden meh-  
 en / so weit sich das erstreckt / Satzungen / alten Gebräuchen / vnd Her-  
 ommen / Burg: vnd Land: Rechten / *Authentische* Abscheiden vnd Ver-  
 rügen / in *specie* des Rechtlichen Auftrags halb / den fünff löblichen  
 Orthen an ihren vnter sich selbst habenden Verkommnissen / wie auch an  
 ern Stätten an ihren sonderbahren Burgrechten / Abschieden vnd Ver-  
 rügen / kein *prajuditz* noch Abbruch / gebähren / auch sonst in kein *conse-*  
*quentz* oder Nachfolg gezogen werden solle.

Dessen allen zu mehrer Befrassigung / vnd damit dieser  
 Fried vnd Vertrag von den Partheyen allerseits / jetzt vnd zu  
 Ewigen Zeiten / wahr / sicht / vest / vnd ohnverbrüchenlich ge-  
 halten / darwider nimmer geredt / gethan / noch zureden oder  
 zu thun gestattet werde / haben Vnderzeichnete der beyden  
 Theilen Herren Ehren: Gesandte / in Krafft von Ihren Gnä-  
 digen Herren vnd Obern habender Gewalten vnnnd Vollmach-  
 ten / in Ihrem vnd ihrer abwesenden Herren Mitgesandten  
 Nahm / diesen Brieff mit ihren Handt: Vnterschriften vnnnd  
 Pittschafften verwahret / den ohninteressierten Schied-  
 Orthen zu handeln gestellt / vnd daß fürderlichst zween gleich-  
 lautende vnter Ihrer gnädigen Herren vnnnd Obern / wie auch  
 des löblichen Orthes Glarus beyder Religionen Insiglen ver-  
 fertigt / vnd jeder Parthey einer darvon eingeliessert werden sol-  
 le / zugesagt vnd versprochen / So beschehen zu Baden im Er-  
 gäu / den 26. Februarij Alten / vnd 7. Martij Newen

Calenders / Anno 1656.







